

Prema pisanju mađarskih medija, potvrđeno je da je počela službena istraga Evropske unije o načinu finansiranja projekta izgradnje dva nova reaktora u NE Paks, odnosno projekta Paks 2.

Informacija o tome nalazi se u pismu koje je evropska komesarka za tržišno nadmetanje Margrethe Vestager poslala mađarskoj vladi. Istraga je pokrenuta još 22.5.2015. godine i o tome je ranije bila službeno obaveštena mađarska vlada. Cilj istrage je ispitati činjenice oko za EU sumnjivog plana mađarske vlade da za finansiranje projekta koristi državne subvencije.

Istraga je pokrenuta nakon što je Evropska komisija dobila studiju koju su poslali mađarski zastupnik u Evropskom parlamentu Benedek Javor i mađarsko ekološko udruženje Energiaklub. U studiji se, na temelju javno dostupnih podataka, pokazuje kako se projekt nikad neće finansijski isplatiti pa se neće moći ostvariti bez državnih subvencija što je zabranjeno prema propisima EU-a, prenosi mađarski dnevnik 'Budapest Business Journal'.